



La prüma amichevole sugada cuntra la nōia squadra dla "Freizeit" dl Mareo é jüda fora 3 a 3. La Val é jüda in vantaje por 3 a 0 tl prüm tēmp. Tl secundo tēmp por lascé post ince ai jogn che é gnüs tla squadra y por porvé deplü nōies cosses él gnü baraté fora prēsc düta la squadra. Insciö él sté Al Plan che é stá bugn da paregέ ala fina dla partida sön 3 a 3.

La secunda amichevole che é gnüda sugada cuntra Pfalzen che süga te 2. categoria (y che süga te copa cuntra la Val Badia) é gnüda dominada dala squadra da La Val por 4 a 0. La Val á mostré en beliscimo jüch cun aziuns de velocitέ. Pfalzen ne á albü degüna chance da fá goi. La Val á ciamó fat dös traverses y en palo. Na gran partida che ti dá zigü forza ala squadra por les partides che vėgn te copa y te campionat. I goi é gnüs facé da Rubatscher Florian, Verginer Franzi, Nagler Max y Tschaffert Ivan.